




3879.


R. B. H.

*Carmen Fvnebre  
In Obitu  
Friderici Barnecouij.*




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3879 4° (LN 483)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3879 4° (LN 483)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3879 4° (LN 483)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3879 4° (LN 483)

DA BOX

= L. N. 483

M





3879

# CARMEN FVNEBRE

IN OBITVM NOBILISSIMI IUVVE.

nis Fridericj Barnecouij Ioannis Barnecouij filij: qui  
cum vixisset Annos XIX: mensem I. & dies VI.

Hafniæ, non sine maximo suorum omnium luctu in

CHRISTO placidè obdormiuit Anno

M. D. lxx. VIII. Idus Sept:

autore

R. B. H.



HAFNIÆ,

Excudebat Laurentius

Benedictus.

1570.



CARMEN FVNERE

IN OBITU M. NOBILISSIMI INVE.

nis Friderici Barnocconi Joannis Barnocconi filij: qui

cum uxore Anna X. mensis 1. et dies 11.

Et hunc, non sine maximo fletu omnium lacrimis

CHARTO placide obdormivit Anno

M. D. lxx. VIII. Idus Sept:

Antore  
R. E. H.







Rob dolor vt marcent errantia lumina, sudor  
Vt gelidus frontem perfluit atq; genas,  
Lurida tinguntur pallentj labra colore,  
Stridulus horrentj vix venit ore sonus.  
Heu mihi iam iam animam singultibus efflat anhelis,  
Hanc clemens manibus suscipe CHriste tuis.  
Inte quanquam acri vexata dolore recumbit,  
Ad te corporea mole soluta volet.  
O mors: Sed placida tanquam resoluta quiete  
Membra iacent, superum mens petit alta polum.  
Ergo nos adeo tristes Friderice relinquis?  
Spes Barnecouiæ maximagentis abis?  
Quid faciam? lachrimis exauguene corpus obortis,  
Quæ sint mestitiæ signa notanda, rigem?  
Aut vitæ egregias laudes, mortemq; beatam  
Decantem, ingenij non mediocris opus?  
Fletibus hunc claro depellere coner olympo,  
Mutet vt innumeris gaudia tanta malis?  
Laudibus hunc meritis clarum super æthera tollam?  
Quî tantum ingenium debile portet onus?  
Cur mihi non, veluti rapido fremit agmine torrens,  
Tristia commoto pectore verba ruunt?  
Cur mea non veluti tonitru vox insonat ingens,  
Quæ referat quanto corda dolore gemant?  
Siccine tam suauî Basileæ affata loquela  
Me primum, o cordi consona lingua taces?

A 2

Siccine



Siccine quæ profugum aspectu exceperè sereno,  
Perpetuis tenebris lumina pressa latent?  
Heu mihi quam variè subitas mutamur in horas,  
Qualis es hoc, illo tempore qualis eras?  
O vtinam cælo rediuna in membra rediret  
Mens quæ corporeæ dux modo molis erat.  
Sciret quanta sui sit facta accessio amorì,  
Sciret vt extremo creuerit ille rogo.  
Illa hærent imis penitus penitusq; medullis,  
Quæ tua languescens vox mihi verba tulit.  
Cum tristi haud posses attollere membra cubili,  
Teq; vlnis ferrem pondera grata meis  
Gratia iam satis est satis est mihi magna relata,  
Dicebas, meritis amplior atq; meis.  
Ecce vt contritum placidis amplecteris vlnis  
Corpus, plumoso restituisq; toro.  
Si deus inualido dederit mihi surgere lecto,  
Non potero officij non meminisse tui:  
Si tamen æthereas mea mens reuocetur ad arces,  
Tempus vt exactum transilijsse nefas,  
Corde elapsa mihi irato obliuiscere verba,  
Nam tibi (quod nosti) verbera nulla dedi.  
Languida finieras mixtis suspiria verbis,  
Talia respondens corde gemente sequor.  
Menè adeo ingratum naturam effingere posse,  
Vt menti excutiam tot bene facta meæ?

Tu



3877  
Tu patria expulso, fœdēq; extrema voluto  
Per mala, das vita spe meliore frui.  
Tu facis exilium patria mihi dulcius ipsa,  
Pieridum medio dum sinis esse choro.  
Tu mihi tantorum causa vnica totq; bonorum,  
Obruat vt mentem summa referta meam.  
Paruōq; vt referam tua maxima munera verbo,  
Ancora post summum tu mihi sacra Deum.  
Quas igitur grates cunctis ego rebus egenus,  
Reddam, vix animus tot tua dona capit.  
Ingenuē tantum tibi me debere fatebor,  
Quantum ne propria soluere morte queam.  
Iamq; ego quid tristi raptō tibi funere soluam,  
Cui viuo ignauus nil nisi fucus eram.  
Attamen vt potero verbis bene facta reponam,  
Quæ saltem memoris symbola mentis erunt.  
Sed vos qui tumulo lachrymas libatis amaras,  
Quēis luuenis tanti spem cecidisse dolet.  
Quorum animis eius probitasq; genusq; recursans  
Siccitas lachrimis non finit esse genas,  
Cessate, & nimio constringite frena dolore,  
Non flectunt gemitus ferrea fata pij.  
Funera quin potius letis celebrate camænis,  
In domino cum sit vita beata mori.  
Hunc autem in domino requiescere quis neget vnquam,  
Qui potuit medio sic in agone loqui?

A 3

Seu



Seu mihi viuendum fuerit, seu mortis acerbæ  
Sors subeunda, Cliens sum pie Christe tuus.  
Ergo me valida morientem protege dextra,  
Daq; animæ vultum Posse videre tuum.  
Nec pia cessauit depromere pectore dicta  
Dum voci patuit claustra per arcta via.  
Quin etiam postquam medijs vox faucibus hæsit,  
Signa dedit tantam non perijsse fidem.  
Quis cupiat mundo meliori cedere fine?  
Quis deflere amens tam pia fata uelit?  
Sed fuit hæc animo bonitas, candorq; benigno  
In fletum quæ etiam saxea corda trahant  
Ille fuit viuens solidæ bonitatis imago,  
Simplex, vera tenens, candidus atq; pius.  
Ille fuit musas animo veneratus honestas,  
Teutonicæ poterunt quod perhibere scholæ.  
Ille fuit nuper terreno corpore vinctus,  
Nunc colit ætherei sydera celsa poli.

#### EPITAPHIVM.

Simplicitas, bonitas, pietas, animusq; rotundus  
Corpus in hoc tumulo concoluere iacens.  
Tantæ igitur dotes vna periære sepultæ?  
Non non: sunt animæ vita, decusq; piæ.

Aliud



ALIVD CARMEN.



Ene adeò superis hæc cernere sydera iniquis?  
Mene adeò infesto viuere posse polo?  
Vt chari videam tristissima funera fratris,  
Heu fratris verè qui fuit alter ego.

Cur mihi non oculi, fiunt duo flumina, tristes  
Quæ gemitus terræ lata per arua trahant.  
Scilicet hæc nostras decerpere gaudia in ædes  
Venimus, Hæc patrij munera grata soli  
Corpora longarum defessa labore viarum  
Sic reparas aliud mox abiturus iter.  
O ignaræ hominum mentes, ô nescia sortis  
Pectora? tune domi sic periturus eras?  
At te sperabam paruo post tempore mecum  
Teutonicas iterum visere velle scholas.  
Et voluisse scio, sed fata hoc impia nolunt,  
Ante tuum quæ te sic rapuere diem.  
Cur ego non te igitur cælo comitabor euntem,  
Qui mecum ad Musas mox abiturus eras?  
At qui est in propria nobis statione manendum,  
Donec dux superas nos velit ire domos.  
Isthic cum sanctis, patrem gnatumq; videbo,  
Sic tollat nemo, gaudia tanta mihi.  
Interea donec tristi hoc versabor in orbe,  
Ante oculos semper tu mihi frater eris?

Martinus Barnekau Fratri  
mærens faciebat.



ALIVD CARMEN

Eni alio sapientie hoc carmine flectere cupis?  
Mens adeo infesto ruitur post-polo?  
Nec non studeam tristitia flectere cupis?  
Huius carnis rursus quid sit ante ego.



Cur mihi non oculi, sunt duo lachrimas, tristes  
Que gemunt tota late per arva trahunt.  
Scilicet hoc nostras decerpere gaudia in arbor  
Veniunt, Hec gaudia manent gaudia soli  
Corpora longum deserta laborantur  
Sic reparas abstinere abstinere fieri.  
O igitur bonum mentes, ducis cetera fortis  
Pectora? tunc domus sit pertinet eras?  
At te spectantur parvo post tempore incertum  
Tunc omnia incertum rursus velle scholas.  
Et voluisse scio, sed late hoc imperio noluit,  
Anle tunc quare sic reparetur ducis.  
Cur ego non te igitur cetera committor eras?  
Qui incertum ad hunc rursus abstinere eras?  
At qui est in propriis nobis ista incertum manentem  
Ducis hunc sapientie nos velle rursus domus.  
Istic cum sunt, parum gaudium vellebo,  
Sic tollat mentes, gaudia cum a mibi.  
Interdum velle velle hoc rursus in ordine,  
Ante oculos semper in mibi rursus eras?

Martinus Barchinensis  
invenit facit.

